

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
GRADSKO VIJEĆE

Broj: 01-04-1378/24-AP-5  
Datum: 27.06.2024. godine



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

07P. 02-09.

*[Handwritten signature]*

Primljeno:	05-07-2024		
Org. jed.	Kl. ozna.	Red. broj	Br. priloga
02	07	1499/24	

**GRADONAČELNIK  
ZAVIDOVIĆI**

PREDMET: Vijećnička pitanja i inicijative sa 26. sjednice Gradskog vijeća održane, dana 27.06.2024. godine, dostavljaju se.

Na osnovu člana 167. stav (1) i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 26. sjednici Gradskog vijeća održanoj, dana 27.06.2024. godine:

- Inicijativa samostalnog vijećnika Samira Skejića – Inicijativa za izdvanje sredstava iz gradskog budžeta za nabavku stalnih sredstava i mobilijara za potrebe u radu mjesnih zajednica
- Inicijativa vijećnika Šemsudina Skejića – Inicijativa za donošenje odluke koja bi omogućila nastavak aktivnosti za rješavanje projekta „Kružni tok Krivaja Zavidovići“.
- Inicijativa samostalne vijećnice Džemanine Memagić – Inicijativa da se uputi zahtjev prema preduzeću Ceste Federacije da se postavi pješački prelaz kod trgovačkog centra Mepromex, u tom dijelu negdje, po ocjeni ko bude izlazio na teren i kod EP-ove benzinske pumpe, dolje u nižem dijelu.“
- Inicijativa samostalne vijećnice Džemanine Memagić – Inicijativa u ime stanara, zgrade Samačka, da općinske službe izađu na teren, da konstatuju stanje i da se obrate što prije, što urgentnije JKP „Radnik“ Zavidovići, da se ti kontejneri izmjestite malo dalje od zgrade.
- Inicijativa samostalnog vijećnika Šemse Fehrića – Inicijativ za otvaranje šetališta u dijelu ulice Alije Izetbegovića, koji je ograničen Gazi Husrev-begovom ulicom i ulicom Safvet-bega Bašagića.
- Inicijativa samostalnog vijećnika Šemse Fehrića – Inicijativ da se finansijski pomogne izgradnja Dječijeg igrališta „Stavci“ u iznosu od 5.000 KM, i to putem MZ Kovači.
- Vijećničko pitanje vijećnika Hasiba Huskića (1) i (2);
- Vijećničko pitanje samostalnog vijećnika Samira Skejića (1), (2) i (3);
- Vijećničko pitanje vijećnika Hamde Džinića.
- Vijećničko pitanje vijećnika Šemsudina Skejića (1) - (34);
- Vijećničko pitanje vijećnika Armin Imamović;
- Vijećničko pitanje vijećnika Almina Dohranovića;

U prilogu akta dostavljam Vam vijećnička pitanja i Inicijative postavljena na 26. sjednici Gradskog vijeća održane, dana 27.06.2024. godine.


Odgovore na postavljena vijećnička pitanja i inicijative potrebno je dostaviti predsjedavajućem Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 26. sjednice Vijeća održane dana 27.06.2024. god.

DOSTAVLJENO:

1. Naslovu,
2. U spis.



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
GRADSKO VIJEĆE  
Broj: 01-04-1378/24-AP-5  
Datum: 27.06.2024. godine



PREDMET: Vijećnička pitanja i inicijative sa 26. sjednice Gradskog vijeća održane, dana 27.06.2024. godine, dostavljaju se.

Na osnovu člana 167. stav (1) i člana 171. i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 26. sjednici Gradskog vijeća održanoj, dana 27.06.2024. godine:

### **Hasib Huskić**

**Predmet: Vijećničko pitanje broj (1)**

Na osnovu čl. 8 i 87 Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Dokle se stiglo sa realizacijom zaključka a vezano za moju inicijativu koju sam podnio za nabavku kvalitetnog razglasa za potrebe JU „Kulturno-sportski centar“ Zavidovići. Ovo pitam iz razloga što su sredstva odobrena i planiran u tu svrhu.

**Predmet: Vijećničko pitanje broj (2)**

Na osnovu čl. 8 i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Ko je i na koji način dodijelio kancelarije u zgradi stare opštine novoformiranim političkim subjektima? Čija je to nadležnost, je li nadležnost gradskog vijeća ako jeste zašto to nije bilo da dnevnom redu kao i sve druge kancelarije.

**Admir Fojnica:** Zahvaljujem, gospodin Skejić Samir

### **Samir Skejić**

„Poštovani prisutni, vijećnici, uposlenici gradske uprave i građanstvo, ja Vas srdačno selamim i pozdravljam. Samo ću nakratko da odstupim od konteksta stvari, samo jednom ili dvije rečenice. Budući, da je u toku već izborna kampanja, možda da se od strane gradske uprave na nekakav način -- urgencijom sugerište direktorima, aktuelnim direktorima javnih ustanova i preduzeća i uposlenicima da se ne zloupotrebljavaju radna mjesta u javnom sektoru za potrebe političke kampanje.“

### **Samir Skejić**

**Inicijativa: Izdavanje sredstava iz gradskog budžeta za nabavku stalnih sredstava i mobilijara za potrebe u radu mjesnih zajednica**

Predmet inicijative: Nabavaka robe i opreme neophodne za održavanje prihvativog nivoa komunalne higijene

Razlozi podnošenja: Vjerujući da je auditorij upoznat sa nepovoljnim higijensko-sanitarnim uvjetima u pojedinim mjesnim zajednicama nastalih uslijed neblagovremenog čišćenja ulica, nekošenom travom neposredno uz putne pravce, nagomilavanjem nerazgradivog smeća i štetu koju loša komunalna higijena pričinjava na imovini pojedinaca predlažem da se u plan izrade budžeta Grada uvrsti poseban transfer namijenjen higijensko sanitarnim potrebama mjesnih zajednica. Sredstva iz transfera bi se podijelila na isti način i u istoj proporciji kao i redovna sredstva, a koristila bi se za kupovinu osnovnog inventara kao što su trimeri, kosilice, gorivo itd. neophodno za rad alata i uređaja iz vlasništva mjesnih zajednica. U plan implementacije inicijative bi trebalo uvrstiti i dogovor oko angažovanja pojedinaca iz MZ kojima bi se na financijskoj ili volonterskoj osnovi povjeravala upotreba alata i mašina potrebnih za održavanje dobre komunalne higijene. Po mogućnosti a u skladu s financijskim projekcijama trebalo bi težiti sezonskom angažovanju pojedinaca na poslovima očuvanja komunalne higijene u MZ a istima bi MZ ili mještani navedenih područja osiguravali financijsku naknadu za rad. Najvažniji benefit moguće implementacije inicijative bi se reprezentovao u izgledima da imamo čistiji životni prostor, uređenija ruralna područja i veći doprinos u očuvanju komunalne higijene u područjima mjesnih zajednica. Inicijativa iziskuje značajna materijalna sredstva, a najmanji realni iznos obzirom na broj mjesnih zajednica je oko 10,000 KM.“

### **Samir Skejić – vijećnička pitanja**

1. Na službu za Upravu društvenih djelatnosti, pitanja boraca i opću upravu naslovljujem pitanje vezano za donacije sredstava u budžet Grada Zavidovića, javne ustanove i budžete mjesnih zajednica. Konkretno, tražim da mi se prezentuje protokol na koji način se sredstva mogu donirati u budžete navedenih organizacionih nivoa, kako je napisan protokol u slučaju da pravno ili fizičko lice iskaže želju ili interes da u javne budžete uplati ili donira novac i da li protokol za ovakve situacije uopšte postoji?
2. Drugo pitanje je naslovljeno na JU „Dječiji vrtić“ Zavidovići i reprezentuje interesovanje naših građana zašto Ustanova ne organizuje prijem nove djece u vrtić i koji su razlozi da djeca na prijem u ustanovu čekaju i do šest mjeseci?
3. Treće pitane upućujem Centru za socijalni rad, a vezana je za izradu socijalnih karata osoba u stanju socijalne pomoći, odnosno da li je projekat izrade dovršen ili u kojoj je fazi?

**Admir Fojnica:** Zahvaljujem, gospodin Hamdo Džinić

### **Hamdo Džinić- vijećničko pitanje**

„Uvaženo radno predsjedništvo, kolegice i kolege vijećnici, pomoćnici gradonačelnika, tehničko osoblje, uvaženi slušaoci preko radija, sve vas srdačno pozdravljam. Ja ću jedno usmeno vijećničko pitanje, gdje sam zamoljen od grupe građana MZ Brezik, znači da ponovim jedno vijećničko pitanje koje su oni više puta, neko od kolega je postavljao na Vijeću pa su malo što bih rekao, odgovori bili smušeni od strane Službe i Gradonačelnika i malo nejasni građanima, pa su me zamolili, evo pročitat ću, na Viber sam dobio pitanje, znači ovako: „U ime građana grupe MZ Brezik, podružnice Lug, Luke, Brezik i Memići postavljam vijećničko pitanje koje se odnosi na asfaltiranje dijela puta Brezik - Lug - Memići - Luke, u zadnjem pisanom odgovoru od nadležne službe od Gradonačelnika, odgovor je glasio ovako, tipa, „da nisu izvršili asfaltiranje zbog nesuglasica građana između sebe, da se ne mogu dogovoriti koju dionicu puta da asfaltiraju“. Međutim, mještani odgovorno tvrde da nesuglasice među njima stoje, da se na ovakav način ne unosi dodatna nesuglasica među narod. Znači, tačno se zna koji dio puta treba asfaltirati i taj isti dio puta je prošao u plan kapitalnih investicija za 2024.godinu,

to je dio puta Brezik – Lug – Memići - Luke. Gradonačelnik je sebi, mislim iz znanih razloga, je to preokrenuo, pa asfaltirao na neku drugu stranu, ako ne znaju kad i kako će, onda treba da se izjasni kad da vrate, na koji način da vrate uplaćena sredstva koja su mještani MZ Brezik, 20,000 KM uplatili na račun Grada Zavidovića, a sve na ime asfaltiranja pomenute dionice. Eto toliko..“

**Admir Fojnica:** Zahvaljujem, gospodin Šemsudin Skejić.

### **Šemsudin Skejić**

Predmet: **Vijećnička inicijativa**

Na osnovu člana 106. Poslovnika o radu Gradskog vijeća podnosim vijećničku inicijativu za donošenje odluke koja bi omogućila nastavak aktivnosti za rješenje projekta „Kružni tok Krivaja Zavidovići“.

### **OBRAZLOŽENJE**

Ministarstvo za prostorno uređenje, promet i komunikacije i zaštitu okoline Zeničko-dobojskog kantona odbilo je izdati saglasnost na: Prijedlog izmjena i dopuna Regulacionog plana „Luke“ Zavidovići.

Ukoliko ništa ne poduzmemo, to bi bio kraj nade da će kružni tok Krivaja Zavidovići kao centralni dio Regulacionog plana „Luke“ u dogledno vrijeme biti predmet aktivnosti gradske uprave.

Preciznije, to se neće desiti prije usvajanja Urbanističkog plana Grada Zavidovići.

Zbog velike važnosti projekta kružni tok Krivaja sa okruženjem, predlažem Gradonačelniku i nadležnoj službi da detaljno razmotre i po mogućnosti prihvate inicijativu koja bi mogla biti prethodnica za realizaciju projekta Kružni tok Krivaja Zavidovići mnogo brže nego čekanje na usvajanje Urbanističkog plana.

Mogućnost za realizaciju ovog projekta nudi član 188. Zakona o prostornom uređenju i građenju Zeničko-dobojskog kantona.

Član 188. pomenutog zakona u stvari je stručna ocjena koja može rezultirati izdavanjem urbanističke saglasnosti za definisanje preduslova za projektovanje i odobravanje buduće promjene u prostoru bez obzira što ne postoji detaljan planski dokument za pripadajuće područje.

U ovom slučaju to su urbanistički plan Grada i Regulacioni plan Luke koje ne sadrže tražene promjene.

Član 188. stav (1) glasi:

Razloga za podnošenje ove inicijative ima mnogo, ja ću navesti dva osnovna razloga:

- Važnost projekta za funkcionisanje saobraćaja je nemjerljiva, a rješenje ovog projekta usko je povezano sa rješenjem problema puta za romsko naselje.
- Ovaj problem je bio predmet rasprave u prostorijama Nadležnog ministarstva na sastanku održanom 06.03.2024.godine na temu Regulacioni plan „Luke“, saglasnost na prijedlog odluke Izmjena i dopuna.
- Na tom sastanku Direktor zavoda za urbanizam i prostorno uređenje Zeničko-dobojskog kantona je nagovijestio mogućnosti koje daje član 188. zakona o prostornom uređenju i građenju kantona.

Direktor je naglasio da je za rješavanje važnih projekata ali samo u izuzetnim slučajevima moguće formirati stručnu komisiju čija bi stručna ocjena mogla doprinijeti donošenju

urbanističke saglasnosti, a u konačnici i ishodavanju građevinske dozvole za Kružni tok Krivaja Zavidovići.

Napominjem da je do rješenja moguće doći jedino uz pomoć Zavoda za urbanizam i prostorno uređenje Zeničko-dobojskog kantona.

Zbog toga je potrebno imenovati radnu grupu koju bi činili predstavnici Gradske službe i Gradskog vijeća koja bi imala zadatak da zajedno sa predstavnicima zavoda pripremi plan realizacije projekta „KRUŽNI TOK KRIVAJA ZAVIDOVIĆI“.

Direktor Zavoda bio je konkretan i rekao da će pomoći u imenovanju komisije za davanje stručne ocjene koja će riješiti sve dileme oko izgradnje kružnog toka.“

### **Šemsudin Skejić – vijećnička pitanja**

#### **PREDMET: SET VIJEĆNIČKIH PITANJA**

Na osnovu člana 8. i člana 87. Poslovnika o radu Gradskog vijeća postavljam set vijećničkih pitanja koja su usko vezana sa neispunjavanjem obaveza proisteklih iz:

- a) Podnesenih od strane Gradskog vijeća usvojenih inicijativa
- b) Postavljenih vijećničkih pitanja bez konkretnih odgovora
- c) Usvojenih zaključaka na sjednicama Gradskog vijeća, a koji ipak nisu nikako realizovani iako je jasno naznačeno ko je bio zadužen za realizaciju
- d) Usvojenih programa rada Gradskog vijeća, sa tačkama dnevnog reda koje nikada nisu razmatrane
- e) Usvojenih amandmana koji su postali sastavni dio obaveza gradske uprave

#### a) **Obrazloženje**

Velika većina pitanja proizašla je iz neispunjavanja obaveza po usvojenim inicijativama, po usvojenim zaključcima i prijedlozima koji su doneseni na osnovu mojih zahtjeva. Ukoliko sam ipak postavio neka pitanja koja se tiču usvojenih inicijativa, zaključaka po zahtjevima drugih vijećnika nadam se da će mi oni to reći i oprostiti.

Pozivam sve vijećnike da i oni iznesu šta od njihovih usvojenih inicijativa i zaključaka nije realizovano i tako izraze protest zbog nerada Gradske uprave.

Bez obzira što vjerujem da možda neću dobiti nikakve odgovore i što sam siguran da na veliku većinu pitanja neću dobiti realne odgovore, ja ću ih ipak postaviti.

Prvih desetak pitanja koje mogu postaviti zbog ograničenja od 3 minute pročitat ću, a molim da njih ali i ostala analizirate. Možda se sa nekima složite i pokušate ih implementirati u svom narednom mandatu.

**NADAM SE DA UVAŽENI VIJEĆNICI** da će vam ovako veliki broj obaveza koja Gradska uprava nije realizovala biti dovoljan pokazatelj kakav je odnos između Gradonačelnika i gradske uprave sa jedne i gradskih vijećnika sa druge strane preovladavao tokom najvećeg dijela četverogodišnjeg mandata.

Pa pogledajmo redom.

#### b) **Pitanja**

1. Zašto nije urađen program uređenja uže gradske jezgre? Inicijativa podnešena prije tri godine. Usvojena prije dvije godine. Iako je usvajanjem zaključka Gradskog vijeća naloženo Gradonačelniku sa nadležnim službama da inicijativu realizuju, realizacija je izostala. Zašto?

Pitanje upućeno Gradonačelniku i svim pomoćnicima.

2. Zašto ste dozvolili da inflacija „proguta“ najmanje jednu četvrtinu novca namijenjenog za realizaciju infrastrukturnih projekata, a sve to zbog neefikasnosti rada gradske uprave dok se novac hladio na bankovnim računima. Pitanje upućeno Gradonačelniku i svim pomoćnicima.
3. Zašto se ni nakon 6 godina od početka realizacije najvećeg infrastrukturnog projekta ne može ni naslutiti sudbina vodosnadbijevanja prostorne cjeline Pašin konak? Da je bilo želje projekat je mogao biti završen u ovom mandatu. Ovakvim tempom neće biti završen ni u narednom četverogodišnjem mandatu. Odgovorno tvrdim, da postoji želja da se projekat završi sve bi bilo gotovo u 2025. godini. Kako? Pa realizacijom usvojene vijećničke inicijative. Pitanje za Gradonačelnika zašto?
4. Zašto je tek u osmoj godini Vašeg mandata usvojena realna vrijednost cijene gradnje? Zašto je to urađeno na način da se u ovoj godini neće primjenjivati? Da li je neko izračunao kolika je šteta po budžet Grada nastala zbog toga?
5. Zašto ste bukvalno uništili URBANIZAM GRADA ZAVIDOVIĆI?

Isti je upropašten i pogažen do te mjere da su milionske materijalne štete beznačajne u odnosu na posljedice koje ćemo morati sanirati decenijama ali do kraja ih nećemo sanirati nikad.

Urbanizam je tema za koju je u 4 godišnja programa rada bilo predviđeno ubjedljivo najviše tačaka dnevnog reda. Jedino pozitivno što je donešeno je Odluka o izradi i usvajanju Urbanističkog plana. Hoće li se i to opstruirati pitam Vas Gradonačelniče i Vas pomoćniče za poslove urbanizma. Očekujem odgovor i od službe nadležne za inspeksijske poslove, preciznije Urbanističko-građevinskog inspektora.

6. Zašto je ukinut Urbanistički plan Grada Zavidovići i zašto se isti nije našao na dnevnom redu za izradu i usvajanje 12 godina prije i 2,5 godine nakon ukidanja. Zbog toga su sve urbanističke saglasnosti izdate nakon toga, a bez urbanističkog i regulacionog plana nelegalne. Pitanje je za Gradonačelnika, pomoćnika za poslove urbanizma i urbanističko-građevinskog inspektora.
7. Zašto ste odustali od realizacije projekta KRUŽNI TOK KRIVAJA kad postoji mogućnost da se ubrza i nastavi njegova realizacija?

Odgovor treba da daju isključivo Gradonačelnik i njegov pomoćnik za poslove urbanizma, ali ovo pitanje tiče se svakako i urbanističko-građevinskog inspektora, jer je ta inspekcija itekako nadležna kada je u pitanju kontrola prostorno-planske dokumentacije.

8. Zašto ste tek sada obustavili aktivnosti na usvajanju izmjena i dopuna Regulacionog plana „Luke“ Zavidovići kada ste prije 18 mjeseci znali da saglasnost na prijedlog odluke o usvajanju neće dobiti zato što ste ukinuli Urbanistički plan.

9. Zašto ste većinu usvojenih vijećničkih inicijativa ignorisali i propustili realizovati iako ste to bili dužni uraditi. Slična je situacija kada su u pitanju usvojeni zaključci. Zašto? Koliko vremena bi trebalo da se nabroje nezadovoljstva u realizaciji inicijativa i zaključaka svih vijećnika.
10. Zašto isporuka betona za betoniranje lokalnih cesta u izbornim godinama postaje najveći projekat u cestovnoj infrastrukturi? Nikada nećemo saznati kriterije za raspodjelu ni utrošena sredstva za to. Znamo samo da je dio toga i nedozvoljena i nemoralna trgovina glasovima Vijećnika. Pitanje za Gradonačelnika ali i za pojedine vijećnike.
11. Zašto ne poduzimate ništa kako bi imovinu uzurpiranu od strane pravnih i fizičkih lica vratili stvarnom vlasniku odnosno Gradu Zavidovići?

Na to ste izričito obavezni djelovati po osnovu zaključaka usvojenih na sjednici Gradskog vijeća održanoj 28.02.2024.godine po tački dnevnog reda: Stanje imovine u vlasništvu Grada. U skladu sa sadržajem zaključaka pitanje je upućeno: Pravobranilaštvu, Službi za upravu imovinsko-pravnih, geodetskih poslova i urbanizma, Stručnoj službi Gradonačelnika, urbanističko-građevinskoj i inspekciji za ceste. Iako je prošlo 5 mjeseci od donošenja zaključaka nije urađeno ama baš ništa.

12. Zašto niste riješili pitanje kupovine Vile Krivaja kada ste imali sve uslove da to i uradite. Čak ste imali i novac u Budžetu za to namijenjen. Pitanje isključivo za Gradonačelnika, ali odgovor mora dati i pomoćnik službe za upravu društvenih djelatnosti.
13. Zašto niste uradili ništa što bi obezbjedilo da sve Mjesne zajednice budu tretirane ravnopravno?
14. Zašto su rezultati na obezbjeđenju sredstava sa viših nivoa vlasti i sredstava iz raznih fondova i grant sredstava slabi?
15. Zašto projekat video nadzora nije ni započet kada je realizacija istog u pitanju?
16. Zašto je prodaja zemljišta u 2023. godini vršena isključivo po sistemu neposredne pogodbe kada bi takav način morao biti izuzetak?
17. Zašto prodaje izvršene u 2023. godini nisu dostigle ni polovičnu vrijednost tržišnih cijena?
18. Zašto ste dugogodišnjim nedjelovanjem dozvolili da nam prijete gubitak najkvalitetnijeg zemljišta tužbama po osnovu dosjelosti?
19. Zašto su od 7 regulacionih planova tri ukinuta, tri se primjenjuju, a sedmi je doživio pravi debakl?
20. Zašto ste Vijeću nametnuli usvajanje planova parcelacije iako ste znali da se na osnovu njih ne mogu izdavati urbanističke saglasnosti. Svjesno i zbog toga niste prihvatili inicijativu da se izvrši Revizija tri usvojena plana parcelacije.

21. Zašto već 8 godina niste učinili ništa što bi ojačalo integritet i kapacitet Službe za upravu imovinsko-pravnih poslova, geodetskih i poslova urbanizma, u dijelu odsjek za urbanizam?
22. Zašto nećete ući u proces realizacije usvojene inicijative o reorganizaciji Službe za upravu imovinsko-pravnih poslova, geodetskih i poslova urbanizma, u dijelu odsjek za urbanizam?
23. Zašto ste urbanističke saglasnosti i odobrenja za građenje u periodu oktobar 2023-februar i dio marta 2024. godine izdavali ekspresno iako ste znali da su to uglavnom nelegalno izdata odobrenja. Da li je to urađeno možda zbog toga da bi obračun naknade za uređenje građevinskog zemljišta i prirodne pogodnosti-renta fakturisali po staroj cijeni gradnje od 600 KM/m<sup>2</sup> a ne po novoj koju je Gradsko vijeće usvojilo 28.02.2024. umjesto 30.01.2024.godine? Pitanje za Gradonačelnika i nadležnu službu.
24. Zašto u 8 godina mandata niste uradili ni jedan godišnji plan i program uređenja građevinskog zemljišta?
25. Zašto niste podnijeli ni jedan finansijski izvještaj o efektima naknade za uređenje građevinskog zemljišta i prirodne pogodnosti-rente. Zakonom o prostornom uređenju i građenju Zeničko-dobojskog kantona ta obaveza je propisana i morali ste to prezentirati Gradskom vijeću minimalno jednom godišnje. Znete li da je inicijativu za to Gradsko vijeće usvojilo jednoglasno krajem 2023.godine?
26. Zašto se niste potrudili da u četiri godine mandata ovog saziva Gradskog vijeća usvojite Regulacioni plan Kamenica i Regulacioni plan Maoča? Pitanje upućeno Pomoćniku Gradonačelnika za upravu imovinsko-pravnih,geodetskih poslova i urbanizma.
27. Zašto niste učinili ništa u rješavanju imovinsko-pravnih poslova u poslovnoj zoni Majdansko? Usvojeni zaključci Vas na to obavezuju. Pitanje upućeno Gradonačelniku i članovima njegovog kolegija zajedno sa pravobraniocem.
28. Zašto nema aktivnosti na sanaciji bespravne gradnje. Da li je urbanističko-građevinska inspekcija realizovala svoj plan i svoje obaveze?
29. Zašto nije bilo aktivnosti na kontroli izdavanja urbanističkih saglasnosti? Ako ipak jeste dostavite informaciju. Pitanje upućeno isključivo urbanističkom inspektoru.
30. Zašto ste odluku o medijaciji i arbitraži u postupku tužba Grada protiv Krivaje u stečaju donijeli bez odluke Gradskog vijeća? Pitanje za Gradonačelnika i njegov kolegij.
31. Zašto inicijativa koja je mogla obezbjediti pomoć mladima u kupovini ili izgradnji prvog stana ili kuće nije ni došla na dnevni red? Upućena je prije više od 8 mjeseci.
32. Zašto nismo ispravili grešku koju je ovo Vijeće sa prethodnim predsjedavajućim napravilo usvajanjem Odluke o zabrani iznošenja mišljenja o vijećničkim inicijativama



prije njihovog usvajanja ili odbijanja? Da je bilo želje mogli smo jer Gradsko vijeće je ovu inicijativu usvojilo također prije 8 mjeseci.

33. Zašto niste realizovali projekat oborinske i fekalne kanalizacije u ulici Zlatnih ljiljana

Nekoliko pokazatelja za ovaj projekat:

- Maj 2021. godine vijećničko pitanje kada će..
- Decembar 2022.godine po osnovu amandmana za Budžet za 2023.godinu u Budžetu predviđena sredstva
- Glavni projekat urađen, ali realizacije ni na vidiku ni nakon 4 godine nade za mještane koji još uvijek pamte 2014. godinu.

34. Zašto još nismo spoznali da je naša dijaspora ta koja podržava i održava socijalni sektor u BiH. Naša (Zavidovička) dijaspora u tome prednjači. Zašto ne uvažimo tu činjenicu i ne uzvraćamo istom mjerom?

Ova brojna pitanja mogla bi biti dobar pokazatelj rada Gradskog vijeća, bolje rečeno šta je između ostalog uradilo Vijeće, a šta nije uradila Gradska uprava. Naslov za ovaj set pitanja magao bi biti i tridesetak zašto ništa zato.

#### **Armin Imamović – vijećničko pitanje**

„Pozdravljam sve prisutne, jedno vijećničko pitanje, MZ Vozuća je podnijela u jesen zahtjev o sanaciji jednog žičanog mosta. Ljudi sada tamo prelaze preko ----- prvo je bezbjednost u pitanju građanstva dok prelaze preko tog mosta, a ima ih po fin broj i da mi se taj odgovor dostavi u pisanoj formi. Hvala Vam. Taj dio se zove Misaradža.“

**Admir Fojnica:** Zahvaljujem, gospođa Memagić, izvolite .

#### **Džemanina Memagić – vijećnička inicijativa**

(1) „Pozdravljam sve prisutne, ja imam jednu vijećničku inicijativu ispred građana naselja Gvozdeni Most. Naime, građani Gvozdenog Mosta, pogotovo u dijelu ulice Zlatnih ljiljana, u blizini trgovačkog centra Mepromex zahtijevaju da Gradsko vijeće, gradska vlast uputi dopis JP Ceste Federacije da se postavi pješački prelaz na tom potezu, kod trgovačkog centra Mepromex, jer svi smo tu bili, svi smo svjesni kolika je tu ugroženost i pješaka i vozača, znači da se u tom dijelu i u dijelu kod EP-ove benzinske pumpe isto tako napravi pješački prelaz. Ja sam svakodnevno svjedok da se nekada čeka i po deset minuta da se pređe sa jednog kraja ceste na drugi. Vozači voze, znamo kako voze brzo, znači da se uputi zahtjev prema preduzeću Ceste Federacije da se postavi pješački prelaz kod trgovačkog centra Mepromex, u tom dijelu negdje, po ocjeni ko bude izlazio na teren i kod EP-ove benzinske pumpe, dolje u nižem dijelu.“

(2) „Druga vijećnička inicijativa jeste, obratili su mi se građani, stanari, zgrade Samačka. Tu su kontejneri komunalnog preduzeća „Radnik“ ispod samih prozora u toj zgradi. Ljeto je, širi se nesnošljiv smrad isto tako je velika mogućnost zaraze, oni traže da se općinske službe da izađu na teren da konstatuju stanje i da se obrate što prije, što urgentnije jer je ljeto. Ovaj, to je sami izvor zaraze, da se ti kontejneri izmjestite malo dalje od zgrade. To je to. Hvala Vam.“

**Admir Fojnica:** Zahvaljujem, gospodin Šemso Fehrić, izvolite .

#### **Šemso Fehrić**

„U skladu sa Članom 8. i Članom 87. Poslovnika o radu Gradskog vijeća Zavidovići pokrećem **Inicijativu**: Otvaranje šetališta u dijelu ulice Alije Izetbegovića, koji je ograničen Gazi Husrev-begovom ulicom i ulicom Safvet-bega Bašagića.

Zatvaranje dijela ulice bi bilo:

- U ljetnom periodu od 19,00 do 23,00 h
- U zimskom periodu od 18,00 do 22,00 h

**Obrazloženje**: Veliki broj građana traži da se pokrene ova inicijativa, kako bi se omogućila bezbjedna igra djece, na dječijem igralištu koje se nalazi u ovom području.“

„U skladu sa Članom 8. i Članom 87. Poslovnika o radu Gradskog vijeća Zavidovići pokrećem:

**Inicijativu**: Da se Financijski pomogne izgradnja Dječijeg igrališta „Stavci“ u iznosu od 5.000 KM, i to putem MZ Kovači.

Za ovu namjenu koristiti sredstva iz Budžeta za 2024.godinu sa Transfera 613727211- Izdaci za ostale usluge popravki i održ- urbani mobilijar i dječija igrališta.

**Obrazloženje**: Proces izgradnje dječijeg parka je u toku i potrebno je finansijski potpomoći izgradnju ovog igrališta, kako bi djecu i omladinu pokušati vratiti na igrališta.“

### **Almin Dohranović**

Predmet: **Vijećničko Pitanje**

„Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne službe da nam se dostavi ime firme i građevinska dozvola za izvršene građevinske radova ugradnje drvenih stubova pored regionalne ceste R 466 Zavidovići-Kamenica. Drveni stubovi su ugrađeni uz sami rub ceste, te kao takvi ugrožavaju sigurnost u odvijanju saobraćaja.“

**Admir Fojnica**: Nakon postavljenih vijećničkih pitanja, prelazimo na usmene odgovore na vijećnička pitanja postavljena na današnjoj sjednici, ako ih ima. Obzirom da ih nema, prelazimo na odgovore na vijećnička pitanja na 25. sjednici Gradskog vijeća Zavidovići, održane dana 30.05.2024.godine.

Gospodin Samir Skejić, dva pitanja, zadovoljni ili imate dopunsko?

**Samir Skejić**: Imam dopunsko pitanje.

**Admir Fojnica**: Izvolite.

**Samir Skejić**: Zadovoljan sam odgovorom na pitanje vezano za statistiku rođenih i preminulih u periodu od 2013. do 2024.godine, nisam zadovoljan cjelovitosti odgovorom upućenim na Gradsku izbornu komisiju, mislim kad je u pitanju, pravo imenovanih nosioca dužnosti u Gradu Zavidovići, odnosno imenovanih direktora javnih ustanova i preduzeća da sudjeluju u izornoj kampanji. Odgovor nije cjelovit, polovičan je, postaviti ću pitanje na narednoj sjednici. Hvala Vam.

**Admir Fojnica**: Gospodin Šemsudin Skejić, dva pitanja, zadovoljni?

**Šemsudin Skejić**: Nisam zadovoljan, imam dopunsko pitanje.

**Admir Fojnica**: Izvolite.

**Šemsudin Skejić**: Da podsjetim, jedno pitanje je bilo vezano kakva je sudbina realizacije zaključaka vezano za tačku dnevnog reda sa sjednice iz januara, 31. januara ove godine, stanje imovine u vlasništvu grada. Obzirom, da ništa nije urađeno i da ništa nije kazano, znači da se ništa i ne radi. Moje dopunsko pitanje je vezano za jedan od tih zaključaka na današnjoj

sjednici je trebalo da bude tačka dnevnog reda stanje imovine i ja tražim da se uvrsti na sljedeću sjednicu, pošto je to posljednja sjednica. A, drugo vijećničko pitanje odgovor je tako jednostavan, pitanje je da li je potpisan ugovor za izradu Urbanističkog plana. Ovdje stoji, pa direktor zavoda je rekao da se može organizovati da se potpiše do 01.07. Ima li ovdje neko da ga pita da li je to potpisano, ako je potpisano, nisam zadovoljan, a evo i ne treba mi odgovor, samo mi treba da li je potpisan Ugovor za izradu Urbanističkog plana sa Zavodom za urbanizam i prostorno uređenje ZDK. Dakle, imali smo saglasnost, posljednja informacija – saglasnost Zavoda je da je spreman da prihvati izradu protokola do 01.07., imamo još dva dana ali ja mislim da je to 119. ili 120. dan.

**Admir Fojnica:** Zahvaljujem, gospodin Zahid Avdičević, 1 pitanje, zadovoljan?

**Zahid Avdičević:** Zadovoljan.

**Admir Fojnica:** Gospodin Amer Avdičević, 2 pitanja?

**Amer Avdičević:** Zadovoljan.

**Admir Fojnica:** Gospodin Hamdo Džinić, dopunsko pitanje, zadovoljan?

**Hamdo Džinić:** Zadovoljan.

**Admir Fojnica:** Dobro, imamo odgovor gospodin Remzo Sinanović na dopunsko pitanje gospodina Šemsudina Skejića.

**Remzo Sinanović:** „Esselamu Alejkum i dobar dan. Mi smo redom za taj zaključak poslali njima dopis, obzirom da nisu odgovarali na vrijeme, mi smo poslali urgenciju i nakon urgencije su rekli da će se to do kraja juna zaključiti Ugovorom, da će se Urbanistički plan raditi u martu naredne godine. Ja sam taj dan išao na seminar, kada su oni to trebali, čini mi se da je bio utorak ili srijeda i poslije sam dobio informaciju da nisu došli iz nekih razloga i evo ja dalje ne znam, nemam informaciju, nisu mene tad zvali da ja idem, vjerovatno zbog seminara, da budem tu prisutan, možda sekretar bolje zna da li je bilo kontakata više sa njima poslije toga. Znači ovo je zadnje, što ja imam informaciju.“

**Šemsudin Skejić:** Zahtjevam pisani odgovor.

**Admir Fojnica:** Zahvaljujem, dobit ćete pisani odgovor.

ZAPISNIK SAČINIO

Bakir Mujkić, bach. političkih nauka

*Bakir Mujkić*



OVJERAVA SEKRETAR  
GRADSKOG VIJEĆA  
Samira Pinjić, dipl. pravnik



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

## Klub vijećnika Stranke demokratske akcije

BOSNA I HERCEGOVINA  
FEDERACIJA BOSNE I HERCEGOVINE  
GRAD ZAVIDOVIĆI  
GRADSKO VIJEĆE ZAVIDOVIĆI  
n/r. Gdin. predsjedavajući


Predmet: Vijećničko pitanje

Na osnovu čl.8 i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Ko je i na koji način dodijelio kancelarije u zgradi stare opštine novoformiranim političkim subjektima?

Čija je to nadležnost, je li nadležnost gradskog vijeća ako jeste zašto to nije bilo na dnevnom redu kao i sve druge kancelarije.

Vijećnik SDA

  
Hasib Huskić



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

## Klub vijećnika Stranke demokrtaske akcije

BOSNA I HERCEGOVINA  
FEDERACIJA BOSNE I HERCEGOVINE  
GRAD ZAVIDOVIĆI  
GRADSKO VIJEĆE ZAVIDOVIĆI  
n/r. Gdin. predsjedavajući


Predmet: Vijećničko pitanje

Na osnovu čl.8 i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Dokle se stiglo sa realizacijom zaključka a vezano za moju inicijativu koju sam podnio za nabavku kvalitetnog razglasa za potrebe JU "Kulturno-sportski centar" Zavidovići.

Ovo pitam iz razloga što su sredstva odobrena i planiran u tu svrhu.

Vijećnik SDA

  
Hasib Huskić

26. sjednica Gradskog vijeća Zavidovići

27.06.2024. godine

1. Na službu za Upravu društvenih djelatnosti, pitanja boraca i opću upravu naslovljujem pitanje vezano za donacije sredstava u bužet Grada Zavidovića, javne ustanove i budžete mjesnih zajednica. Konkretno, tražim da mi se prezentuje protokol na koji način se sredstva mogu donirati u budžete navedenih organizacionih nivoa kako je napisan protokol u slučaju da pravno ili fizičko lice iskaže želju ili interes da u javne budžete uplati ili donira novac i da li protokol za ovakve situacije uopšte postoji?

2. Drugo pitanje je naslovljeno na JU „Dječiji vrtić „ Zavidovići i reprezentuje interesovanje naših građana zašto Ustanova ne organizuje prijem nove djece u vrtić i koji su razlozi da djeca na prijem u ustanovu čekaju i do šest mjeseci?

3. Treće pitanje upućujem Centru za socijalni rad a vezana je za izradu socijalnih karata osoba u stanju socijalne pomoći, odnosno da li je projekat izrade dovršen ili u kojoj je fazi?

1. Inicijativa: Izdvajanje sredstava iz gradskog budžeta za nabavku stalnih sredstava i mobilijara za potrebe u radu mjesnih zajednica

Predmet inicijative: Nabavka robe i opreme neophodne za održavanje prihvativog nivoa komunalne higijene

Razlozi podnošenja: Vjerujući da je auditorij upoznat sa nepovojnim higijensko- sanitarnim uvjetima u pojedinim mjesnim zajednicama nastalih uslijed neblagovremenog čišćenja ulica, nekošenom travom neposredno uz putne pravce, nagomilavanjem nerazgrađivog smeća i štetu koju loša komunalna higijena prčinjava na imovini pojedinaca predlažem da se u plan izrade budžeta Grada uvrsti poseban transfer namijenjen higijensko sanitarnim potrebama mjesnih zajednica. Sredstva iz transfera bi se podijelila na isti način i u istoj proporciji kao i redovna sredstva a koristila bi se za kupovinu osnovnog inventara kao što su trimeri, kosilice, gorivo i td. neophodno za rad alata i uređaja iz vlasništva mjesnih zajednica. U plan implementacije inicijative bi trebalo uvrstiti i dogovor oko angažovanja pojedinaca iz MZ kojima bi se na finansijskoj ili volonterskoj osnovi povjeravala upotreba alata i mašina potrebnih za održavanje dobre komunalne higijene. Po mogućnosti a u skladu s finansijskim projekcijama trebalo bi težiti sezonskom angažovanju pojedinaca na poslovima očuvanja komunalne higijene u MZ a istima bi MZ ili mještani navedenih područja osiguravali finansijsku naknadu za rad.

Najvažniji benefit moguće implementacije inicijative bi se reprezentovao u izgledima da imamo čistiji životni prostor, uređenija ruralna područja i veći doprinos u očuvanju komunalne higijene u područjima mjesnih zajednica.

Inicijativa iziskuje značajna materijalna sredstva a najmanji realni iznos obzirom na broj mjesnih zajednica je oko 10000 KM.



Vijećnik Skejčići dr. Stanić

*Stanić*

**GRADSKI VIJEĆNI  
ŠEMSUDIN SKEJIĆ**


**Datum: 27.06.2024. godine**

- **Stručna služba Gradskog vijeća**
- **Predsjedavajući Gradskog vijeća**

**PREDMET: VIJEĆNIČKA INICIJATIVA**

**Na osnovu člana 106 poslovnika o radu Gradskog vijeća podnosim vijećničku inicijativu za donošenje odluke koja bi omogućila nastavak aktivnosti za rješenje projekta „Kružni tok Krivaja Zavidovići“.**

**Datum: 27.06.2024. godine**

  
\_\_\_\_\_

## OBRAZLOŽENJE

*Ministarstvo za prostorno uređenje, promet i komunikacije i zaštitu okoline Zeničko – dobojskog kantona odbilo je izdati saglasnost na : Prijedlog izmjena i dopuna Regulacionog plana „Luke“ Zavidovići.*

*Ukoliko ništa ne poduzmemo, to bi bio kraj nade da će kružni tok Krivaja Zavidovići kao centralni dio Regulacionog plana „Luke“ u dogledno vrijeme biti predmet aktivnosti gradske uprave.*

*Preciznije, to se neće desiti prije usvajanja Urbanističkog plana Grada Zavidovići.*

*Zbog velike važnosti projekta kružni tok Krivaja sa okruženjem, predlažem Gradonačelniku i nadležnoj službi da detaljno razmotre i po mogućnosti prihvate inicijativu koja bi mogla biti prethodnica za realizaciju projekta Kružni tok Krivaja Zavidović mnogo brže nego čekanje na usvajanje Urbanističkog plana.*

*Mogućnost za realizaciju ovog projekta nudi član 188 zakona o prostornom uređenju i građenju Zeničko – dobojskog kantona.*

*Član 188 pomenutog zakona u stvari je stručna ocjena koja može rezultirati izdavanjem urbanističke saglasnosti za definisanje preduslova za projektovanje i odobravanje buduće promjene u prostoru bez obzira što ne postoji detaljan planski dokument za pripadajuće područje.*

*U ovom slučaju to su urbanistički plan Grada i Regulacioni plan Luke koji ne sadrže tražene promjene.*

*Član 188. Stav (1) glasi:*



*Razloga za podnošenje ove inicijative ima mnogo , ja ću navesti dva osnovna razloga :*

- Važnost projekta za funkcionisanje saobraćaja je nemjerljiva , a rješenje ovog projekta usko je povezano sa rješenjem problema puta za romsko naselje.*
- Ovaj problem je bio predmet rasprave u prostorijama Nadležnog ministarstva na sastanku održanom 06.03.2024. godine na temu Regulacioni plan „Luke“ , saglasnost na prijedlog odluke Izmjena i dopuna.*

*Na tom sastanku Direktor zavoda za urbanizam i prostorno uređenje Zeničko - dobojskog kantona je nagovijestio mogućnosti koje daje član 188. zakonja o prostornom uređenju i građenju kantona .*

*Direktor je naglasio da je za rješavanje važnih projekata ali samo u izuzetnim slučajevima moguće formirati stručnu komisiju čija bi stručna ocjena mogla doprinijeti donošenju urbanističke saglasnosti, a u konačnici i ishodovanju građevinske dozvole za Kružni tok Krivaja Zavidovići.*

*Napominjem da je do rješenja moguće doći jedino uz pomoć Zavoda za urbanizam i prostorno uređenje Zeničko – dobojskog kantona .*

*Zbog toga je potrebno imenovati radnu grupu koju bi činili predstavnici Gradske službe i Gradskog vijeća koja bi imala zadatak da zajedno sa predstavnicima zavoda pripremi plan realizacije projekta „KRUŽNI TOK KRIVAJA ZAVIDOVIĆI“ .*

*Direktor Zavoda bio je konkretan i rekao da će pomoći u imenovanju komisije za davanje stručne ocjene koja će riješiti sve dileme oko izgradnje kružnog toka.*

MEMAGIĆ DŽEMANINA  
ZAVIDOVIĆI

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

562

Primljeno:	26-06-2024		
Org. broj	Kl. broj	Rad. broj	Pr. broj
09			

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI

N/ R predsjedavajućeg gradskog vijeća

**PREDMET: VIJEĆNIČKA INICIJATIVA, dostavlja se**

Na osnovu člana 8. I člana 87. Poslovnika o radu gradskog vijeća Zavidovići upućujem sljedeću vijećničku inicijativu.

Stanari zgrade zvana „ Samačka „, koja se nalazi u Zavidovićima, u ulici Dr. Pinkasa Bandta, zahtijevaju da se iz neposredne blizine zgrade, tačnije ispod samih prozora stanova u zgradi hitno izmjeste kontejneri za smeće JKP Radnik d.o.o. Zavidovići, a zbog nesnošljivog smrada smeća i mogućnosti širenja zaraznih bolesti, odnosno okolnosti koje ugroćavaju i narušavaju kvalitet stanovanja u predmetnoj zgradi


Toplo vrijeme i vrućine dodatno pogoršavaju situaciju zbog neadekvatno postavljenih kontenera, slijedom čega je iste potrebno izmjestiti na pogodno mjesto, na većoj udaljenosti od zgrade

Dakle, potrebno je da nadležna služba Grada Zavidovići, izađe na lice mjesta, izvrši uvid u stanje te da se što hitnije uputi dopis-zahtjev JKP Radnik d.o.o. Zavidovići za izmještanje kontejnera sa sadašnje lokacije.

Za realizaciju ove inicijative nisu potrebna niakva finansijska sredstva.

Zavidovići, 24.06.2024 godine

GRADSKI VIJEĆNIK, Memagić Džemanina



(No Subject)

From: Dzemanina Memagic (dzemanina@yahoo.com)

To: memisdo@yahoo.com

Date: Wednesday, June 26, 2024 at 08:44 AM GMT+2



Yahoo Mail: [Search](#), [Organize](#), [Conquer](#)

Gradski vijećnik  
Šemsudin Skejić  
Datum 27.06.2024.godine

-STRUČNA SLUŽBA GRADSKOG VIJEĆA  
-PREDSJEDAVAJUĆI GRADSKOG VIJEĆA

## PREDMET: SET VIJEĆNIČKIH PITANJA

Na osnovu člana 8. i člana 87. Poslovnika o radu Gradskog vijeća postavljam set vijećničkih pitanja koja su usko vezana sa neispunjavanjem obaveza proisteklih iz:

- a) Podnesenih a od strane Gradskog vijeća usvojenih inicijativa
- b) Postavljenih vijećničkih pitanja bez konkretnih odgovora
- c) Usvojenih zaključaka na sjednicama Gradskog vijeća, a koji ipak nisu nikako realizovani iako je jasno naznačeno ko je bio zadužen za realizaciju
- d) Usvojenih programa rada Gradskog vijeća, sa tačkama dnevnog reda koje nikada nisu razmatrane
- e) Usvojenih amandmana koji su postali sastavni dio obaveza gradske uprave

### a) Obrazloženje

Velika većina pitanja proizašla je iz neispunjavanja obaveza po usvojenim inicijativama, po usvojenim zaključcima i prijedlozima koji su doneseni na osnovu mojih zahtjeva. Ukoliko sam ipak postavio neka pitanja koja se tiču usvojenih inicijativa, zaključaka po zahtjevima drugih vijećnika nadam se da će mi oni to reći i oprostiti.

Pozivam sve vijećnike da i oni iznesu šta od njihovih usvojenih inicijativa i zaključaka nije realizovano i tako izraze protest zbog nerada Gradske uprave.

Bez obzira što vjerujem da možda neću dobiti nikakve odgovore i što sam siguran da na veliku većinu pitanja neću dobiti realne odgovore, ja ću ih ipak postaviti.

Prvih desetak pitanja koje mogu postaviti zbog ograničenja od 3 minute pročitat ću, a molim da njih ali i ostala analizirate. Možda se sa nekima složite i pokušate ih implementirati u svom narednom mandatu.

NADAM SE UVAŽENI VIJEĆNICI da će vam ovako veliki broj obaveza koje Gradska uprava nije realizovala biti dovoljan pokazatelj kakav je odnos između Gradonačelnika i gradske uprave sa jedne i gradskih vijećnika sa druge strane preovladavao tokom najvećeg dijela četverogodišnjeg mandata.

Pa pogledajmo redom.

## b) Pitanja

1. Zašto nije urađen program uređenja uže gradske jezgre? Inicijativa podnešena prije tri godine. Usvojena prije dvije godine. Iako je usvajanjem zaključka Gradskog vijeća naloženo Gradonačelniku sa nadležnim službama da inicijativu realizuju, realizacija je izostala. Zašto? Pitanje upućeno Gradonačelniku i svim pomoćnicima.

2. Zašto ste dozvolili da inflacija „proguta“ najmanje jednu četvrtinu novca namijenjenog za realizaciju infrastrukturnih projekata, a sve to zbog neefikasnosti rada gradske uprave dok se novac hladio na bankovnim računima. Pitanje upućeno Gradonačelniku i svim pomoćnicima.

3. Zašto se ni nakon 6 godina od početka realizacije najvećeg infrastrukturnog projekta ne može ni naslutiti sudbina vodosnabdijevanja prostorne cjeline Pašin konak? Da je bilo želje projekat je mogao biti završen u ovom mandatu. Ovakvim tempom neće biti završen ni u narednom četverogodišnjem mandatu. Odgovorno tvrdim, da postoji želja da se projekat završi sve bi bilo gotovo u 2025. godini. Kako? Pa realizacijom usvojene vijećničke inicijative. Pitanje za Gradonačelnika zašto?

4. Zašto je tek u osmoj godini Vašeg mandata usvojena realna vrijednost cijene gradnje? Zašto je to urađeno na način da se u ovoj godini neće primjenjivati? Da li je neko izračunao kolika je šteta po budžet Grada nastala zbog toga?

5. Zašto ste bukvalno uništili URBANIZAM GRADA ZAVIDOVIĆI?

Isti je upropašten i pogažen do te mjere da su milionske materijalne štete beznačajne u odnosu na posljedice koje ćemo morati sanirati decenijama ali do kraja ih nećemo sanirati nikad.

Urbanizam je tema za koju je u 4 godišnja programa rada bilo predviđeno ubjedljivo najviše tačaka dnevnog reda. Jedino pozitivno što je donešeno je Odluka o izradi i usvajanju Urbanističkog plana. Hoće li se i to opstruirati pitam Vas Gradonačelnice i Vas pomoćnice Gradonačelnika za poslove urbanizma. Očekujem odgovor i od službe nadležne za inspekcijske poslove, preciznije Urbanističko-građevinskog inspektora.

6. Zašto je ukinut Urbanistički plan Grada Zavidovići i zašto se isti nije našao na dnevnom redu za izradu i usvajanje 12 godina prije i 2,5 godine nakon ukidanja. Zbog toga su sve urbanističke saglasnosti izdate nakon toga, a bez urbanističkog i regulacionog plana nelegalne. Pitanje je za Gradonačelnika, pomoćnika za poslove urbanizma i urbanističko-građevinskog inspektora.

7. Zašto ste odustali od realizacije projekta KRUŽNI TOK KRIVAJA kad postoji mogućnost da se ubrza i nastavi njegova realizacija?

Odgovor treba da daju isključivo Gradonačelnik i njegov pomoćnik za poslove urbanizma, ali ovo pitanje tiče se svakako i urbanističko-građevinskog inspektora, jer je ta inspekcija itekako nadležna kada je u pitanju kontrola prostorno-planske dokumentacije.

8. Zašto ste tek sada obustavili aktivnosti na usvajanju izmjena i dopuna Regulacionog plana "Luke" Zavidovići kada ste prije 18 mjeseci znali da saglasnost na prijedlog odluke o usvajanju nećete dobiti zato što ste ukinuli Urbanistički plan.

9. Zašto ste većinu usvojenih vijećničkih inicijativa ignorisali i propustili realizovati iako ste to bili dužni uraditi. Slična je situacija kada su u pitanju usvojeni zaključci. Zašto? Koliko vremena bi trebalo da se nabroje nezadovoljstva u realizaciji inicijativa i zaključaka svih

vijećnika.

10. Zašto isporuka betona za betoniranje lokalnih cesta u izbornim godinama postaje najveći projekat u cestovnoj infrastrukturi? Nikada nećemo saznati kriterije za raspodjelu ni utrošena sredstva za to. Znamo samo da je dio toga i nedozvoljena i nemoralna trgovina glasovima Vijećnika. Pitanje za Gradonačelnika ali i za pojedine vijećnike.

11. Zašto ne poduzimate ništa kako bi imovinu uzurpiranu od strane pravnih i fizičkih lica vratili stvarnom vlasniku odnosno Gradu Zavidovići?

Na to ste izričito obavezni djelovati po osnovu zaključaka usvojenih na sjednici Gradskog vijeća održanoj 28.02.2024.godine po tački dnevnog reda: Stanje imovine u vlasništvu Grada. U skladu sa sadržajem zaključaka pitanje je upućeno: Pravobranilaštvu, Službi za upravu imovinsko-pravnih, geodetskih poslova i urbanizma, Stručnoj službi Gradonačelnika, urbanističkoj-građevinskoj i inspekciji za ceste. Iako je prošlo 5 mjeseci od donošenja zaključaka nije urađeno ama baš ništa.

12. Zašto niste riješili pitanje kupovine Vile Krivaja kada ste imali sve uslove da to i uradite. Čak ste imali i novac u Budžetu za to namijenjen. Pitanje isključivo za Gradonačelnika, ali odgovor mora dati i pomoćnik službe za upravu društvenih djelatnosti.

13. Zašto niste uradili ništa što bi obezbijedilo da sve Mjesne zajednice budu tretirane ravnopravno

14. Zašto su rezultati na obezbjeđenju sredstava sa viših nivoa vlasti i sredstava iz raznih fondova i grant sredstava slabi

15. Zašto projekat video nadzora nije ni započet kada je realizacija istog u pitanju

16. Zašto je prodaja zemljišta u 2023.godini vršena isključivo po sistemu neposredne pogodbe kada bi takav način morao biti izuzetak

17. Zašto prodaje izvršene u 2023.godini nisu dostigle ni polovičnu vrijednost tržišnih cijena

18. Zašto ste dugogodišnjim nedjelovanjem dozvolili da nam prijete gubitak najkvalitetnijeg zemljišta tužbama po osnovu dosjelnosti

19. Zašto su od 7 regulacionih planova tri ukinuta, tri se primjenjuju a sedmi je doživio pravi debakl

20. Zašto ste Vijeću nametnuli usvajanje planova parcelacije iako ste znali da se na osnovu njih ne mogu izdavati urbanističke saglasnosti. Svjesno i zbog toga niste prihvatili inicijativu da se izvrši Revizija tri usvojena plana parcelacije.

21. Zašto već 8 godina niste učinili ništa što bi ojačalo integritet i kapacitet Službe za upravu imovinsko-pravnih poslova, geodetskih i poslova urbanizma, u dijelu odsjek za urbanizam

22. Zašto nećete ući u proces realizacije usvojene inicijative o reorganizaciji Službe za upravu imovinsko-pravnih poslova, geodetskih poslova i urbanizma.

Pitanje za Gradonačelnika i njegovog pomoćnika za urbanizam.

23. Zašto ste urbanističke saglasnosti i odobrenja za građenje u periodu oktobar 2023- februar i

dio marta 2024.godine izdavali ekspresno iako ste znali da su to uglavnom nelegalno izdata odobrenja. Da li je to urađeno možda zbog toga da bi obračun naknade za uređenje građevinskog zemljišta i prirodne pogodnosti-renta fakturisali po staroj cijeni gradnje od 600 KM/m<sup>2</sup> a ne po novoj koju je Gradsko vijeće usvojilo 28.02.2024. umjesto 30.01.2024.godine? Pitanje za Gradonačelnika i nadležnu službu

24. Zašto u 8 godina mandata niste uradili ni jedan godišnji plan i program uređenja građevinskog zemljišta

25. Zašto niste podnijeli ni jedan finansijski izvještaj o efektima naknade za uređenje građevinskog zemljišta i prirodne pogodnosti-rente. Zakonom o prostornom uređenju i građenju Zeničko-dobojskog kantona ta obaveza je propisana i morali ste to prezentirati Gradskom vijeću minimalno jednom godišnje. Znate li da je inicijativu za to Gradsko vijeće usvojilo jednoglasno krajem 2023.godine?

26. Zašto se niste potrudili da u četiri godine mandata ovog saziva Gradskog vijeća usvojite Regulacioni plan Kamenica i Regulacioni plan Maoča. Pitanje upućeno Pomoćniku Gradonačelnika za upravu imovinsko-pravnih, geodetskih poslova i urbanizma

27. Zašto niste učinili ništa u rješavanju imovinsko-pravnih poslova u poslovnoj zoni Majdansko. Usvojeni zaključci Vas na to obavezuju. Pitanje upućeno Gradonačelniku i članovima njegovog kolegija zajedno sa pravobraniocem

28. Zašto nema aktivnosti na sanaciji bespravne gradnje. Da li je urbanističko-građevinska inspekcija realizovala svoj plan i svoje obaveze

29. Zašto nije bilo aktivnosti na kontroli izdavanja urbanističkih saglasnosti. Ako ipak jeste dostavite informaciju. Pitanje upućeno isključivo urbanističkom inspektoratu.

30. Zašto ste odluku o medijaciji i arbitraži u postupku tužba Grada protiv Krivaje u stečaju donijeli bez odluke Gradskog vijeća? Pitanje za Gradonačelnika i njegov kolegij.

31. Zašto inicijativa koja je mogla obezbijediti pomoć mladima u kupovini ili izgradnji prvog stana ili kuće nije ni došla na dnevni red. Upućena je prije više od 8 mjeseci.

32. Zašto nismo ispravili grešku koju je ovo Vijeće sa prethodnim predsjedavajućim napravilo usvajanjem Odluke o zabrani iznošenja mišljenja o vijećničkim inicijativama prije njihovog usvajanja ili odbijanja. Da je bilo želje mogli smo jer Gradsko vijeće je ovu inicijativu usvojilo takođe prije 8 mjeseci.

33. Zašto niste realizovali projekat oborinske i fekalne kanalizacije u ulici Zlatnih ljiljana. Neki pokazatelji za ovaj projekat:

-Maj 2021.godine vijećničko pitanje kada će...

-Decembar 2022.godine po osnovu amandmana za Budžet za 2023.godinu u Budžetu predviđena sredstva

-Glavni projekat urađen, ali realizacije ni na vidiku ni nakon 4 godine nade za mještane koji još uvijek pamte 2014.godinu

34. Zašto još nismo spoznali da je naša dijaspora ta koja podržava i održava socijalni sektor u BiH. Naša (Zavidovićka) dijaspora u tome prednjači. Zašto ne uvažimo tu činjenicu i ne uzvraćamo istom mjerom?

Ova brojna pitanja mogla bi biti dobar pokazatelj rada Gradskog vijeća, bolje rečeno šta je između ostalog uradilo Vijeće, a šta nije uradila Gradska uprava. Naslov za ovaj set pitanja mogao bi biti i tridesetak zašto ništa zato.

Juni 2024.godine

Skejić Šemsudin

---



**BOSNA I HERCEGOVINA  
FEDERACIJA BOSNE I HERCEGOVINE  
GRAD ZAVIDOVIĆI**

**GRADSKO VIJEĆE ZAVIDOVIĆI**

**n/r Predsjedavajući Gradskog vijeća Zavidovići  
gosp. Admir Fojnica, prof.**

**Dana, 27.06.2024.godine**

U skladu sa Članom 8. i Članom 87. Poslovnika o radu Gradskog vijeća Zavidovići pokrećem

**Inicijativu :**

Otvaranje šetališta u dijelu ulice Alije Izetbegovića, koji je ograničen Gazi Husrev-begovom ulicom i ulicom Safvet-bega Bašagića.

Zatvaranje dijela ulice bi bilo:

- u ljetnom period od 19,00 do 23,00 h,
- u zimskom period od 18,00 do 22,00 h.

**Obrazloženje:** Veliki broj građana traži da se pokrene ova inicijativa, kako bi se omogućila bezbjedna igra djece, na dječijem igralištu koje se nalazi u ovom području.

Zamjenik Predsjedavajućeg  
Gradskog vijeća Zavidovići  
**Šemso Fehrić dipl.el.ing**



**BOSNA I HERCEGOVINA  
FEDERACIJA BOSNE I HERCEGOVINE  
GRAD ZAVIDOVIĆI**

**GRADSKO VIJEĆE ZAVIDOVIĆI**

**n/r Predsjedavajući Gradskog vijeća Zavidovići  
gosp. Admir Fojnica, prof.**

**Dana, 27.06.2024.godine**

U skladu sa Članom 8. i Članom 87. Poslovnika o radu Gradskog vijeća Zavidovići pokrećem


**Inicijativu :**

Da se Finansijski pomogne izgradnja Dječijeg igrališta "Stavci", u iznosu od 5.000 KM , i to putem MZ Kovači.

Za ovu namjenu koristiti sredstva iz Budžeta za 2024.godinu sa  
Transfera 613727211- Izdaci za ostale usluge popravki i održ. - urbani mobilijar i dječija igrališta

**Obrazloženje:** Proces izgradnje dječijeg aprka je u toku, i potrebno je finansisjki potpomoći izgradnju ovog igrališta, kako bi djecu i omladinu pokušati vratiti na igrališta.

Zamjenik Predsjedavajućeg  
Gradskog vijeća Zavidovići  
**Šemso Fehrić dipl.el.ing**




**BOSNA I HERCEGOVINA**  
**GRAD ZAVIDOVIĆI**  
**GRADSKO VIJEĆE**  
**n/r PREDSJEDAVALJUĆI GRADSKOG VIJEĆA**

**PREDMET: VIJEĆNIČKO PITANJE**

*Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:*

Tražim od nadležne službe da nam se dostavi ime firme i građevinska dozvola za izvršene građevinske radove ugradnje drvenih stubova pored regionalne ceste R 466 Zavidovići - Kamenica. Drveni stubovi su ugrađeni uz sami rub ceste, te kao takvi ugrožavaju sigurnost u odvijanju saobraćaja.

Zavidovići, 27.06.2024. godine



Almin Dohranović